

Relaciona cu caso Joep van den Nieuwenhuizen

Doñonan di cas y "Tereno" na Tierra Del Sol ta preocupa

ORANJESTAD (AAN) Manera cu tabata di spera, e situacion financiero dudoso den cual e comerciante grandi Hulandes, Joep van den Nieuwenhuizen a haya su mes aden na Hulanda y cual a causa panico formal na tera frieuw, na Aruba esnan cu tin propiedad na Tierra del Sol tambe a drenta den panico.

Joep van den Nieuwenhuizen ta worde acusa di practicanan dudoso den companianan cu e tin na Hulanda y cu miyones, di entre otro ciudad Rotterdam, a worde malversa den companianan di Van den Nieuwenhuizen.

Pa algun siman caba tabata tin habitante di Tierra del Sol cu tabata sigui di cerca loke tabata pasando na Hulanda y te hasta for di Merca doñonan di propiedadnan na Tierra del Sol tabata manda haci pregunta con ta para cu nan propiedadnan na Aruba den caso cu for di Hulanda beslag worde poni riba Tierra del Sol?

Te con leu ta conoci supuestamente Tierra del Sol no tin nada di haci cu loke a pasa y ta pasando na Hulanda, pero ningun hende tin segurida kico exacto Van den Nieuwenhuizen ta meti aden y na kico e lo por a mara e propiedad Tierra del Sol na dje na Europa of na cualkier otro parti di mundo.


Documentonan a cuminsa cay den postbus di DIARIO y tambe poco poco mas y mas informacionnan ta yega na redaccion, cu na Aruba tin

algun asunto tabata tuma lugar na Tierra del Sol cu no ta cuadra cu nos leynan.

Tin rumornan ta core cu Tierra del Sol na Aruba lo tin debenan miyonario cerca entre otro Belasting y cu lo tin un suma di 10 miyon Florin cu nan mester paga na belasting.

Na Tierra del Sol pa basta tempo caba tabata tin practicanan caminda cu tereno erfpacht ta worde bendi cu cumpradornan di exterior, siendo cu na Aruba bo no por bende tereno erfpacht.

Cumpradornan di cas nobo lo ta worde pusha cu un contract den cual ta poni cu na mester paga delanta riba 100 mil Dollar pa tereno riba cual nan cas lo worde traha, pero awor esnan cu a paga caba tin miedo cu si algo bay malo cu Tierra del Sol, cu na a perde nan placa pasobra mientras cu no tin cas completamente traha ningun hende cu a paga caba por bisa cu realmente e ta doño di un propiedad na Tierra del Sol.



Preocupacion na Tierra del Sol.

Bao di gobernacionnan anterior ta hopi asunto straño a yega di tuma lugar cu tereno erfpacht y ora cu e-gobierno nobo a sinta nan a laga haci un investigacion, pero te cu awe pueblo no a haya nada di tende di ningun investigacion y tin indicacion cu keto bay tin negoshi cu tereno erfpacht.

E bala di Tierra del Sol a cuminsa lora y manera cu cos ta pinta, e asunto aki lo bay saca hala di puito for di macuto.

DIARIO a haya un documento encunto kavelnan di tereno erfpacht

na Tierra del Sol y den e documento tambe ta worde

Menciona cu Tierra del Sol tin cu paga un adelanto di 1 miyon Florin riba un suma total di 10 miyon, pero con ta para cu belasting di pasado di Tierra del Sol?

Segur: fuentenan, tin asuntonan financiero dudoso ta tumando lugar na Tierra del Sol y cu mester worde investiga, mescos cu posicion di cierto managernan cu ta muestra di lo ta meti den conflicto di interes.

Keda pendiente!

Diesdos dia di castigo pa horta dos tas

ORANJESTAD (AAN): -- Corte den Prome Instancia a condena e homber Edmundo V. pa un castigo di 12 dia incondicional menos e tempo cu el a pasa den detencion preventivo, pasobra el a horta dos tas for di un auto y tabatin cocaína cu ne na September

2002.

Señoranan B. y A. a haci denuncia di e ladroncia dia 3 di September, despues di cual Polis a aresta V., kende tin caba un balente strafkaart.

Fiscal a exigi 12 dia di castigo pa V., teniendo cuenta cu ta dos aña pasa caba cu e hecho a tuma lugar.

BACK TO SCHOOL!!!



BEST DEAL
Tel: 5827100
(Pariba di Aruba Bank, Paradera)

BEST SHOPPING DEAL
Turibana Plaza
Tel: 5865455

Tool Box
tur tipo
35% OFF